



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2076/10
Sarajevo, 19.8.2010. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 19-08-2010			
Organizaciona jedinica	Klasifikaciona oznaka	Redni broj	Broj priloga
01-50-1-15-79/10			

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 130. sjednici održanoj 19.8.2010. godine, utvrdilo je Odgovor na zastupničko pitanje koje je postavio gosp. Denis Bećirović, zastupnik u Zastupničkom domu Parlamentarne skupštine Bosne i Hercegovine.

U privitku dostavljamo Odgovor uz molbu da isti uručite zastupniku.

S poštovanjem,

GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-2076/10
Sarajevo, 19.8.2010. godine

Denis Bećirović, poslanik u Predstavničkom domu Parlamentarne skupštine Bosne i Hercegovine, na 79. sjednici održanoj 16.7.2009. godine, postavio je sljedeće poslaničko pitanje:

“Šta ste konkretno učinili u period od januara 2007. godine do juna 2010. godine, s ciljem uspostave zakona i institucionalnog okvira za slobodnu konkurenciju i zaštitu potrošača?”

Na postavljeno pitanje, Vijeće ministara Bosne i Hercegovine je na 130. sjednici održanoj 19.8.2010. godine, utvrdilo sljedeći

O d g o v o r

I. Uvod

Institucija ombudsmana za zaštitu potrošača u BiH u okviru obaveza i ovlaštenja koje su joj dodijeljene Zakonom o zaštiti potrošača u Bosni Hercegovini („Službeni glasnik BiH“ broj: 25/06), (u daljem tekstu Zakon o zaštiti potrošača), je opredjeljena za stvaranje okruženja u kojemu se paralelno s procesom liberalizacije i otvaranja tržišta odvija i proces uspostavljanja efikasnih mjera za zaštitu potrošača.

Zakon o zaštiti potrošača, kao osnovni zakon Institucije ombudsmana, uređuje odnose između potrošača, proizvođača i trgovaca na području Bosne i Hercegovine.

Zakon o zaštiti potrošača je u velikoj mjeri usklađen sa pravnom stečevinom EZ-e (Evropske zajednice), prije svega s odredbama Ugovora o osnivanju Evropske zajednice i Ugovorom iz Rima, kojima se stvara zakonodavna podloga za područje zaštite potrošača.

Institucija ombudsmana osigurava opštu pravnu pomoć u smislu sprječavanja narušavanja kolektivnih prava potrošača te djeluje u smislu zaštite interesa potrošača, općenito. Kao nositelj zaštite kolektivnih interesa i prava potrošača institucija ombudsmana doprinosi sistemskom rješavanju potrošačke problematike, dajući pri tomu prioritet onim problemima čije je rješavanje od najvećeg značaja za potrošače.

II. U periodu 2007-2010. godine institucija ombudsmana za zaštitu potrošača je u cilju unapređenja zaštite potrošača preduzila niz aktivnosti kojima se štite kolektivna prava i interesi potrošača. S tim u vezi doneseni su sljedeći akti:

- 1) Posebni izvještaj u sektoru regulisanja cijene plina u BiH;
- 2) Posebni izvještaj za JP Centralno grijanje Tuzla;
- 3) Posebni izvještaj za KJKP Toplane Sarajevo;
- 4) Posebni izvještaj za Elektroprivredu-HZ HB Mostar;
- 5) Posebni izvještaj za JKP Vodovod i kanalizacija Tuzla;
- 6) Posebni izvještaj za Vodovod i kanalizacija Sarajevo
- 7) Posebni izvještaj za jamce-žirante u sektoru potrošačkih kredita itd...

Predmetni izvještaji odnose se na pružatelje ekonomskih usluga od opšteg interesa, kojima je utvrđeno da javna komunalna preduzeća krše osnovna prava potrošača data im na osnovu važećeg zakonskog propisa. Označenim izvještajima date su određene preporuke pružateljima usluga za usklađivanje svoje prakse sa zakonom o zaštiti potrošača i ostalom potrošačkom legislativom koje regulišu navedenu problematiku.

III. U prethodnoj godini (2009.) reagirajući na žalbe potrošača u slučajevima povrede prava i po službenoj dužnosti Institucija ombudsmana je preduzela značajne aktivnosti u Sektoru potrošačkih kredita, Sektoru isporuke električne energije, koje su rezultirale donošenjem:

- 1) Smjernica i preporuka u 16 tačaka u Sektoru potrošačkih kredita; (date preporuke komercijalnim bankama vezano za povećanje kamatnih stopa na potrošačke kredite).
- 2) Preporuka o izmjeni Opštih uslova za isporuku električne energije u Federaciji BiH;
- 3) Instrukcije Regulatornoj komisiji za električnu energiju u F BiH (FERK-u) za prestanak aktivnosti suprotnih potrošačkoj legislativi.

IV. Radi zaštite ekonomskog interesa potrošača, ombudsman je zastupao prava i interese potrošača u svojstvu umještača u postupcima formalne rasprave po Zahtjevu za odobrenje tarifa za djelatnost proizvodnje, distribucije i snabdjevanja električnom energijom te po prijedlogu tarifnih stavova za prodaju električne energije tarifnim kupcima, podnesenih od strane javnih preduzeća u BiH.

IV. U cilju brže i efikasnije uspostave procedura za alternativno rješavanje sporova, Ombudsman je donio:

- 1) Kriterije u procedurama za alternativno rješavanje potrošačkih sporova („Službeni glasnik BiH“ broj 13/09.)
Donošenje navedenog akta predstavlja prethodno pitanje koje je u nadležnosti Ombudsmana, a ima za cilj i obavezu da ovlaštena tijela za zaštitu potrošača u BiH uspostave procedure alternativnog rješavanja potrošačkih sporova.
- 2) U okviru projekta smanjenja broja zaostalih predmeta vezano za komunalne sporove pri općinskim sudovima koje je pokrenulo VSTV BiH, institucija ombudsmana je sudjelovala od samog početka, te dala svoje prijedloge u smislu zaštite prava potrošača i promovisala način alternativnog rješavanja komunalnih sporova. Radi potpune implementacije ovih prijedloga VSTV BiH je donijelo odluku o proširenju radne grupe jednim članom iz institucije.

V. Relizovani poslovi Institucije ombudsmana su ocijenjeni kao napredak na polju zaštite potrošača u Izvještaju Evropske komisije o napredku za 2009. godinu, Izvještaju Ureda za reviziju BiH, kao i izvještaju Upravne inspekcije Ministarstva pravde BiH.

Zaključak

Pravo potrošača je jedno od osnovnih ljudskih prava, te je jasno da pitanje zaštite potrošača i koristi, za transparentnost i tržišno natjecanje, odnosno ključno je za kvalitetno funkcionisanje tržišta.

Ekonomski interes potrošača je jako značajan i on se štiti uspostavljanjem jedinstvenog ekonomskog prostora, te je potrebno insistirati na uspostavljanju istog.

Prilagođavanje pravilima zaštite potrošača jedan je od uslova za uklanjanje tržišnih prepreka i integraciju tržišta s proizvodima i uslugama jednakih standarda sigurnosti i kvalitete. Zato se sa sigurnošću može reći da se nalazimo na početku dugoročnog procesa stvaranja društva po mjeri potrošača u Bosni i Hercegovini.

Skoro četiri godine nakon stupanja na snagu Zakona o zaštiti potrošača u BiH stoji tvrdnja da je i dalje nužno insistirati na dosljednoj primjeni obzirom da se u velikoj mjeri isti ne primjenjuje kako od strane onih koji su primarno odgovorni tako i od strane nadležnih organa za nadzor i kontrolu nad primjenom zakonskih rješenja.

Zabrinjavajuće je da se u nekim sektorima poslovanja svjesno provode aktivnosti na tržištu suprotne pozitivnim zakonskim odredbama bez i malo želje i spremnosti za promjenom ponašanja u smjeru većeg stupnja poštivanja prava potrošača. Kada u takvim slučajevima izostane i pravovremena reakcija nadležnih organa dolazi do pada povjerenja potrošača.

U poboljšavanju primjene donesenih propisa Institucija ombudsmana se služi iskustvima zemalja Evropske Unije, posebno onih s dužom tradicijom tržišnog gospodarstva, te nastoji na odgovarajući način, uvažavajući postavke pravnog sustava Bosne i Hercegovine, predlagati rješenja koja zaštitu prava potrošača čine suvremenom i usporedivom sa standardima pravne zaštite Evropske Unije.



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2076/10
Sarajevo, 26.8.2010. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 27-08-2010			
Organizaciona jedinica	Klasifikaciona oznaka	Redni broj	Broj priloga
01	50-1	15-79	10

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 131. sjednici održanoj 26.8.2010. godine, utvrdilo je Odgovor na zastupničko pitanje koje je postavio gosp. Denis Bećirović, zastupnik u Zastupničkom domu Parlamentarne skupštine Bosne i Hercegovine.

U pritvku dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-2076/10
Sarajevo, 26.8.2010. godine

Denis Bećirović, poslanik u Predstavničkom domu Parlamentarne skupštine Bosne i Hercegovine, na 79. sjednici Predstavničkog doma održanoj 16.06.2010. godine, postavio je slijedeće poslaničko pitanje:

“Šta ste konkretno učinili u periodu od januara 2007. do juna 2010. godine s ciljem uklanjanja administrativnih prepreka za domaća i strana ulaganja i smanjenje troškova osnivanja kompanija?”

Na postavljeno pitanje, Vijeće ministara Bosne i Hercegovine je na 131. sjednici održanoj 26. 8. 2010. godine, utvrdilo slijedeći

ODGOVOR

Agencija za unapređenje stranih investicija Bosne i Hercegovine (FIPA) u okviru svojih nadležnosti, kao i ljudskih i materijalnih resursa, kontinuirano radi u cilju poboljšanja stanja u oblasti direktnih stranih ulaganja, između ostalog i kroz aktivnosti usmjerene na poboljšanje postojećeg poslovnog okruženja. Iako FIPA, kao samostalna upravna organizacija, nema nadležnost predlaganja novih i izmjena postojećih zakonskih i podzakonskih akata kontinuirano sugerišemo i ukazujemo na mogućnosti poboljšanja regulative vezane za poslovno okruženje i nudimo prijedloge preporuka i mjera koje bi trebale da usvoje nadležne državne, entitetske, kantonalne i lokalne institucije vlasti.

FIPA svake godine redovno provodi „Aftercare“ aktivnosti, odnosno program post-investicione podrške stranim investitorima, koji za cilj ima prikupljanje informacija o preprekama u poslovanju sa kojima se isti susreću. Konačan cilj ovih aktivnosti je unapređenje poslovne klime i obezbjeđenja reinvestirana/privlačenja novih stranih ulaganja. Takođe, cilj ovog programa je i uspostavljanje čvršće saradnje sa kompanijama na terenu kroz neposredan kontakt. Program je iniciran 2006. godine, a planski se provodi od 2007. godine i u tom periodu obavljena je ukupno 161 posjeta stranim investitorima u BiH. Ove kompanije investirale su ukupno 2.2 milijarde Eura i zapošljavaju 23 091 radnika.

Pored navedenog, sredinom 2009. godine FIPA je u saradnji sa Agencijom za rad i zapošljavanje Bosne i Hercegovine sačinila dokument „Kako Bosnu i Hercegovinu učiniti atraktivnijom za strana ulaganja“. Isti dokument je dostavljen Zajedničkoj komisiji za ekonomske reforme i razvoj Parlamentarne skupštine BiH kada je zaključeno da se dokument razradi zajedno sa Koordinatorom za reformu poslovnog okruženja u BiH na čemu se kontinuirano radi.

U međuvremenu su usvojene izmjene i dopune Zakona o politici direktnih stranih ulaganja u Bosni i Hercegovini („Službeni glasnik BiH“, broj: 17/98, 13/03 i 48/10), a što je bila i jedna

od preporuka u navedenom dokumentu. Ovim izmjenama stranom investitoru je omogućena skraćena procedura registracije privrednog društva, na način da je ukinuta obaveza registracije stranog ulaganja kod Ministarstva vanjske trgovine i ekonomskih odnosa Bosne i Hercegovine, čime je kompletna procedura registracije skraćena za cca. 10 dana.

U toku prethodne godine je izvršeno je predstavljanja FIPA-e lokalnim vlastima u cilju uspostavljanja jačih kontakata sa predstavnicima lokalne samouprave, između ostalog i u cilju otklanjanja prepreka poslovnom okruženju na nižim nivoima vlasti. U okviru ovog programa obavljene su posjete vlastima 10 gradova i kantona u Bosni i Hercegovini, od čega 6 u Federaciji BiH i 4 u Republici Srpskoj.

U svakodnevne aktivnosti takođe spada i direktna pomoć postojećim i potencijalnim stranim investitorima kroz prevazilaženja problema sa kojima se susreću u kontaktu sa nadležnim institucijama, a sve u cilju olakšavanja njihovog poslovanja u Bosni i Hercegovini.

U domenu poboljšanja poslovnog okruženja FIPA takođe saraduje i sa relevantnim međunarodnim partnerima na različitim projektima. Tako je za potrebe projekta Investment Generation Vienna Svjetske banke predloženo 12 prioriternih mjera za poboljšanje poslovnog okruženja. FIPA će biti lokalni partner u provedbi projekta. FIPA je takođe saradivala direktno i sa projektom Svjetske banke Invest in Western Balkans, kao i projektom Evropske Unije EU – TDI (EU izgradnja kapaciteta za inicijativu o slobodnoj trgovini i privlačenje direktnih stranih investicija u BiH), a bila je i partner OECD-a na projektu jačanja konkurentnosti Zapadnog Balkana u sektorima auto-industrije, tekstilne industrije i sektoru poslovnih procesa i tehnološkog eksternaliziranja. U okviru projekta izvršena je detaljna analiza navedenih sektora, te date prepruke za poboljšanje njihove konkurentnosti.

Najbitnija pretpostavka za uspješnu realizaciju zadataka na polju unapređenja poslovnog okruženja jeste dobra koordinacija i razumijevanje svih nadležnih institucija na svim nivoima u BiH.



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2076-4/10
Sarajevo, 19.8.2010. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 19-08-2010			
Organizaciona jedinica	Klasifikaciona oznaka	Redni broj	Broj priloga
01	50-1-15-73	10	

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 130. sjednici održanoj 19.8.2010. godine, utvrdilo je Odgovor na zastupničko pitanje koje je postavio gosp. Denis Bećirović, zastupnik u Zastupničkom domu Parlamentarne skupštine Bosne i Hercegovine.

U privitku dostavljamo Odgovor uz molbu da isti uručite zastupniku.

S poštovanjem,

GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-2076-4/10
Sarajevo, 19.8.2010. godine

DENIS BEĆIROVIĆ, poslanik u Predstavničkom domu Parlamentarne skupštine Bosne i Hercegovine, na **79.sjednici** Predstavničkog doma Parlamentarne skupštine BiH održanoj **16. juna 2010.godine**, postavio je Ministarstvu sigurnosti BiH sljedeće poslaničko pitanje:

„Šta ste konkretno učinili u periodu od januara 2007.godine do juna 2010.godine s ciljem provođenja reformi u cilju efikasnije borbe protiv korupcije.“

Na postavljeno pitanje, Vijeće ministara Bosne i Hercegovine je na 130.sjednici održanoj 19.8.2010. godine, utvrdilo sljedeći

ODGOVOR

Ministarstvo sigurnosti Bosne i Hercegovine, u okviru svojih nadležnosti, od Sektora za borbu protiv terorizma, organiziranog kriminala, korupcije, ratnih zločina i zloupotrebe narkotika je dobilo odgovor na poslaničko pitanje u vidu cjelovite informacije – Aktivnosti u borbi protiv korupcije od 01.01.2007.-30.06.2010.godine, koju vam prenosimo.

-Aktivnosti u borbi protiv korupcije- (01.01.2007.-30.06.2010. godine)

1. Zakonodavne aktivnosti

- Donesen je Zakon o izmjenama i dopunama Zakona o krivičnom postupku Bosne i Hercegovine („Službeni glasnik BiH“, broj 58/08). U dijelu Zakona koji se tiče posebnih istražnih radnji, Zakon je izmjenjen na način da omogućava primjenu posebnih istražnih radnji za sva krivična djela za koja se može izreći kazna zatvora od 3 godine. Ovime je omogućena primjena posebnih istražnih radnji prilikom istraga krivičnih djela koja se odnose na korupciju i pranje novca. Time su usklađene odredbe o primjeni posebnih istražnih radnji sa međunarodnim instrumentima i standardima. Također su izmjenjeni i entitetski zakoni o krivičnom postupku, te Zakon o krivičnom postupku Brčko Distrikta BiH, u cilju njihove harmonizacije sa Zakonom o krivičnom postupku BiH;

- Sačinjen je Zakon o izmjenama i dopunama Zakona o sukobu interesa u institucijama vlasti Bosne i Hercegovine, koji je usvojen od strane Parlamentarne skupštine BiH (“Službeni glasnik BiH”, broj 63/08).

Također su usvojeni Zakon o sukobu interesa u organima vlasti u Federaciji BiH (“Službene novine Federacije BiH” broj 70/08), te Zakon o sukobu interesa u institucijama Brčko Distrikta BiH (“Službeni glasnik Brčko Distrikta BiH”, broj 43/08).

Na ovaj način su zakoni Federacije BiH i Brčko Distrikta BiH usklađeni sa državnim Zakonom, a nadležnost za provođenje sva tri zakona data je Centralnoj izbornoj komisiji;

- Ministarstvo sigurnosti BiH bilo je nosilac aktivnosti izrade Prijedloga zakona o Agenciji za prevenciju korupcije i koordinaciju borbe protiv korupcije. Zakon je usvojen na 69. sjednici Predstavničkog doma, održanoj 30. decembra 2009. godine, i na 40. sjednici Doma naroda Parlamentarne skupštine BiH, održanoj 30. decembra 2009. godine. Zakon je objavljen u „Službenom glasniku BiH“, broj 103/09;

- **Donesen je Zakon o sprječavanju pranja novca i finansiranja terorističkih aktivnosti (“Službeni glasnik BiH”, broj 53/09), koji je usklađen sa Preporukama FATF-a te direktivama Evropske unije.** Ministar sigurnosti BiH je donio Pravilnik o procjeni rizika, podacima, informacijama, dokumentaciji, metodama identifikacije i ostalim minimalnim pokazateljima neophodnim za efikasno provođenje odredbi Zakona o sprječavanju pranja novca i finansiranja terorističkih aktivnosti (“Službeni glasnik”, broj 93/09);

- Donesen je Zakon o izmjenama i dopunama Zakona o državnoj službi u institucijama Bosne i Hercegovine („Službeni glasnik BiH“, broj 43/09), čime je, članom 3., stvoren pravni osnov za donošenje Kodeksa ponašanja za državne službenike na državnom nivou. Izrada spomenutog Kodeksa je u toku, nakon čega će isti biti prosljedjen Vijeću ministara BiH na usvajanje;

- Na 69. sjednici Predstavničkog doma, održanoj 12.01.2010. godine, i 42. sjednici Doma naroda Parlamentarne skupštine BiH, usvojen je Zakon o izmjenama i dopunama Krivičnog zakona BiH. Ovim izmjenama i dopunama uvodi se novi član 110a., koji predviđa „Prošireno oduzimanje imovinske koristi pribavljene krivičnim djelom“. U skladu sa navedenom odredbom, Sud može tokom krivičnog postupka oduzeti imovinu ako postoji osnovana sumnja da se vjeruje da imovina potječe iz krivičnog djela. Entitetski krivični zakoni i Zakon o krivičnom postupku Brčko Distrikta BiH također su usaglašeni sa državnim Krivičnim zakonom.

Uvođenje ove odredbe je u skladu sa odredbama međunarodnih konvencija koje tretiraju oblast borbe protiv korupcije, a kojima je BiH pristupila, prije svega UN Konvencijom za borbu protiv korupcije.

2. Strateške aktivnosti

- Na prijedlog Ministarstva sigurnosti BiH, Vijeće ministara BiH je, na 67. sjednici održanoj 26.11.2008. godine, razmotrilo i usvojilo Analizu stupnja implementacije Strategije Bosne i Hercegovine za borbu protiv organiziranog kriminala i korupcije (2006-2009).

Na 41. sjednici, održanoj 3. decembra 2008. godine, Predstavnički dom Parlamentarne skupštine Bosne i Hercegovine je također usvojio zaključke kojima prima k znanju Analizu stepena provođenja Strategije i podržava prijedloge preporuka i zaključaka sadržanih u istoj;

- Na 99. sjednici, održanoj 24.09.2009. godine, Vijeće ministara BiH je usvojilo Strategiju za borbu protiv korupcije i Akcijski plan za provođenje Strategije (2009-2014).

Akcijskim planom su definirani kratkoročni, srednjoročni i dugoročni ciljevi u borbi protiv korupcije, konkretne mjere za realizaciju ciljeva, rokovi, te institucije nadležne za provođenje mjera.

Za praćenje provođenja Strategije bit će zadužena novoformirana Agencija za prevenciju korupcije i koordinaciju borbe protiv korupcije. Do početka funkcioniranja Agencije, Ministarstvo sigurnosti BiH će koordinirati i pratiti provođenje Strategije. U tom kontekstu, sačinjen je i Izvještaj o stepenu provođenja Strategije za borbu protiv korupcije, koji će biti dostavljen Vijeću ministara BiH;

- Vijeće ministara Bosne i Hercegovine je na 99. sjednici, održanoj 30.09.2009. godine usvojilo Strategiju i Akcijski plan za sprječavanje pranja novca i finansiranja terorističkih aktivnosti;

U cilju što efikasnije prevencije i borbe protiv pranja novca, Vijeće ministara Bosne i Hercegovine je u julu 2008. godine donijelo Odluku kojom je uspostavljena Radna grupa institucija Bosne i Hercegovine za sprječavanje pranja novca i finansiranja terorističkih aktivnosti;

- Ured koordinatora za reformu javne uprave vrši ukupnu koordinaciju u provođenju mjera Akcijskog plana I Strategije reforme javne uprave u BiH.
Reformom javne uprave se zahtjeva unaprijeđenje općih upravnih kapaciteta putem reforme osnovnih horizontalnih sistema i upravljačkih struktura. Akcijski plan I sadrži dogovorene radnje, predviđene za šest ključnih oblasti politika u javnoj upravi, kako bi se povećali opći kapaciteti javne uprave.
Ključne oblasti su: kapaciteti donošenja politike i koordinacije, javne finansije, ljudski potencijali, upravni postupak, institucionalna komunikacija te informacione tehnologije.
Provođenjem mjera u ovih šest oblasti, direktno se doprinosi jednom od glavnih ciljeva Strategije za borbu protiv korupcije: **povećanje efikasnosti postojećih institucija, sa zadatkom prevencije i borbe protiv korupcije.** Ukupna implementacija mjera iz Akcijskog plana Strategije reforme javne uprave trenutno iznosi 39,82%. (do aprila 2010.);
- Vijeće ministara BiH je na 115. sjednici, održanoj 18.02.2010. godine, donijelo **Akcijski plan za provođenje Strategije BiH za borbu protiv organiziranog kriminala (2009.-2012.), kojim su predviđene konkretne mjere, nadležne institucije, rokovi te indikatori provođenja.**
Također je uspostavljena Radna grupa koja će biti zadužena za koordiniranje aktivnosti predviđenih Strategijom i Akcijskim planom, kao i za nadzor i praćenje provođenja Strategije;
- Na 28. sjednici Odbora Agencije za javne nabavke BiH, održanoj dana 27.05.2010. godine, usvojen je Prijedlog Strategije razvoja sistema javnih nabavki u Bosni i Hercegovini 2010.-2015. godine, sa Akcijskim planom za realizaciju strategije.
U dijelu V Strategije razvoja sistema javnih nabavki u Bosni i Hercegovini definirano je sprječavanje korupcije u sistemu javnih nabavki i to kroz mjere: jačanje pravnog okvira, jačanje kontrolnih mehanizama i jačanje svijesti o važnosti sprječavanja korupcije u sistemu javnih nabavki.
Strategija razvoja sistema javnih nabavki u BiH je u proceduri prema Vijeću ministara BiH za usvajanje.

3. Međunarodne obaveze i međunarodna saradnja

- Po iniciranju procedure od strane Ministarstva pravde BiH i Ministarstva sigurnosti BiH, Predsjedništvo Bosne i Hercegovine je na 59. sjednici, održanoj 27.07.2009. godine, donijelo Odluku o ratifikaciji Dodatnog protokola Krivično-pravne konvencije Vijeća Evrope protiv korupcije („Službeni glasnik BiH“ – Međunarodni ugovori, broj 8/09);

Time je Bosna i Hercegovina potpisala i ratificirala gotovo sve međunarodne instrumente/konvencije koje se odnose na oblast borbe protiv korupcije. Ranije su potpisane i ratificirane, između ostalih, Krivično-pravna i Građansko-pravna Konvencija Vijeća Evrope za borbu protiv korupcije, UN Konvencija za borbu protiv korupcije (Merida Konvencija), UN Konvencija za borbu protiv transnacionalnog organiziranog kriminala, Konvencija Vijeća Evrope o pranju, traganju, zaplijeni i oduzimanju prihoda stečenih krivičnim djelom.

- **Nastavljene su aktivnosti u međunarodnim i regionalnim tijelima i inicijativama za borbu protiv korupcije, prije svega u Vijeću Evrope kroz inicijativu GRECO (Skupina zemalja u borbi protiv korupcije), CDPC-a (Odbor Vijeća Evrope za probleme kriminala), te Regionalnoj antikorupcijskoj inicijativi (RAI);**
- **Ministarstvo sigurnosti BiH je koordinator provođenja preporuka Grupe zemalja Vijeća Evrope za borbu protiv korupcije (GRECO).**
U periodu 2007.-2008. godine kontinuirane aktivnosti su preduzimate u cilju praćenja i koordiniranja provođenja preporuka te pripreme izvještaja za Drugi krug evaluacije.

Na 41. plenarnoj sjednici GRECO-a, održanoj u periodu od 16. do 19.02.2009. godine u Strasbourgu, razmatran je i usvojen Izvještaj o ocjeni provođenja preporuka za Bosnu i Hercegovinu (Compliance Report on Bosnia and Herzegovina).

Bosna i Hercegovina je implementirala gotovo sve preporuke iz II evaluacijskog kruga GRECO-a za BiH. U toku je priprema dodatnog Izvještaja o realizaciji preporuka koje su od strane GRECO-a u Izvještaju o usaglašenosti (Compliance Report) označene kao neprovedene ili djelomično provedene.

Od strane GRECO-a dostavljen je poziv i za III krug evaluacije za Bosnu i Hercegovinu, koji će se održati u 2010. godini.

Ministarstvo sigurnosti Bosne i Hercegovine, u saradnji sa ostalim nadležnim institucijama iz BiH, pripremio je odgovore na evaluacijske upitnike za treći krug, te ih dostavilo Sekretarijatu GRECO-a, poštujući dati rok od 21.06.2010. godine.

U periodu od 20. do 24. septembra 2010. godine, održati će se posjeta GRECO evaluatorskog tima Bosni i Hercegovini.

- Pravosudna tijela iz Bosne i Hercegovine, te policijske agencije iz BiH su tokom 2009. godine učestvovala u projektu „Istraživanje o integritetu i suprostitavljanju korupciji u pravosudnom i policijskom sistemu u zemljama jugoistočne Evrope“. Projekat je proveden od strane Ministarstva sigurnosti BiH u saradnji sa Regionalnim vijećem za saradnju (RCC), Regionalnom antikorupcijskom inicijativom (RAI) te Transparency international-om Rumunije.

Cilj navedenog projekta je unaprijeđenje nacionalnih i regionalnih kapaciteta u sprječavanju i borbi protiv korupcije, s naglaskom na „korupciju na najvišem nivou“, kao i usklađivanje postojećih mehanizama sa međunarodnim standardima i najboljom praksom. Istraživanjem se nastoje identificirati glavni izazovi i slabosti u borbi protiv korupcije, u svrhu postizanja veće efikasnosti u postupcima istraživanja i procesuiranja korupcije.

Ciljana grupa na koju je bilo usmjereno istraživanje su predstavnici sudova, tužilaštava i policijskih agencija, koji rade u oblasti borbe protiv korupcije, sa osnovnim ciljem prikupljanja i analize njihovih iskustava u istraživanju i procesuiranju krivičnih djela korupcije, percepcija o postojanju korupcije u njihovom profesionalnom radu, slabostima pravosudnog sistema koje doprinose povećanju korupcije te potrebnim reformama u ovoj oblasti.

Ministarstvo sigurnosti BiH, zajedno sa Ministarstvom pravde Rumunije, RCC i RAI, organiziralo je 22. i 23.05.2010. godine konferenciju, na kojoj su predstavljeni rezultati navedenog istraživanja, te doneseni zaključci o budućim koracima u korištenju istraživanja u cilju ukupne borbe protiv korupcije u BiH i drugim zemljama jugoistočne Evrope.

4. Jačanje saradnje sa nevladinim sektorom i civilnim društvom

- Početkom decembra 2009. godine, agencije za provođenje zakona u Bosni i Hercegovini, su uz potporu EUPM-a, pokrenule javnu kampanju pod nazivom „Korupcija ti uzima sve“, usmjerenu na podizanje svijesti o korupciji u našem društvu. Kampanja je kroz brojne projekte, programe i medijska obraćanja skrenula pažnju na borbu protiv korupcije, te na značaj ulaganja zajedničkih napora svih segmenata društva u sprječavanju korupcije.
Na telefon Krimolovaca stiglo je više od 1000 poziva unutar dva mjeseca od pokretanja kampanje, što je povećanje za 200 posto u odnosu na isti period prethodne godine, dok je broj poziva vezan za korupciju sedam puta veći.
- Ministarstvo sigurnosti Bosne i Hercegovine konitnuirano provodi aktivnosti na unaprijeđenju saradnje sa nevladinim sektorom, akademskom zajednicom i civilnim društvom u cilju zajedničke uspješnije borbe protiv korupcije.
Pri izradi Strategije za borbu protiv korupcije, te Zakona o Agenciji za prevenciju korupcije i koordianciju borbe protiv korupcije, aktivno su bili uključeni i predstavnici nevladinog sektora te akademske zajednice.
Isti su također uključeni u stalni proces realizacije strateških ciljeva, kao i monitoring provođenja Strategije i akcijskog plana.

5. Obuka

- Kontinuirano se provode obuke iz oblasti sprječavanja i suzbijanja korupcije, na kojima učestvuju predstavnici nadležnih institucija i agencija pravosuđa, policije, kao i državni službenici.

U cilju što kvalitetnijeg obavljanja poslova i zadataka iz oblasti borbe protiv korupcije i drugih vrsta kriminala, Državna agencija za istrage i zaštitu je vršila permanentnu edukaciju istražitelja. Najveći broj obuka bio je u organizaciji ICITAP-a, zatim Ambasade SAD-a, VE-CARPO, Policije Francuske, te EUROPOL-a, Centralne banke, MUP RS, FBI, BK Austrije.

- Velik broj seminara i radionica održan je u organizaciji regionalnih i međunarodnih tijela; UNODC-a, Vijeća Evrope, Regionalne antikorupcijske inicijative (RAI), OLAF-a, OCTN-a (Mreža za trening u borbi protiv organiziranog kriminala); George Marshall Centra, te obuke koje su organizirane uz TAIEX- tehničku pomoć.

Također, organizirane su redovne obuke za sudije i tužioce, prije svega od strane Centra za edukaciju sudija i tužilaca Federacije BiH i Centra za edukaciju sudija i tužilaca Republike Srpske. U izradi redovnih planova obuke, učestvuje i Visoko sudsko i tužilačko vijeće BiH.

- U toku su aktivnosti na potpunoj organizaciji i početku funkcioniranja Agencije za školovanje i stručno usavršavanje kadrova, u čijoj će nadležnosti biti organiziranje i provođenje školovanja, te stručnog osposobljavanja i usavršavanja pripadnika policijskih tijela BiH i drugih službi i agencija iz oblasti sigurnosti, što obuhvaća osnovnu, specijalističku, stalnu i druge vidove obuke prvog i drugog nivoa školovanja. Agencija je preduzela korake na stvaranju preduvjeta za otpočinjanje osnovnih djelatnosti kroz izradu nastavnih planova i programa. Prijedlozi nastavnih planova i programa osnovne obuke kadeta – nivo I i II, za sticanje čina „policajac“ odnosno „mlađi inspektor“ trenutno su u proceduri davanja saglasnosti od strane policijskih agencija, nakon čega će biti upućene ministru sigurnosti BiH na usvajanje. Spomenuti nastavni planovi i programi koncipirani su tako da omoguće primjenu kvalitativno nove prakse po demokratskim principima. Značajna pozornost je posvećena prevenciji korupcije, kako bi kroz proces edukacije budući policijski službenici stekli osnovna znanja o korupciji, zakonskom okviru za sprječavanje korupcije i nosiocima aktivnosti u borbi protiv korupcije.

01-50-1



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2321/10
Sarajevo, 19.8.2010. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 22.8.2010.

Organizaciona jedinica	Klasifikaciona oznaka	Redni broj	Broj priloga
01	50-1-15-79/10		

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupnička pitanja – dostavlja se

Vijeće ministara Bosne i Hercegovine, na 130. sjednici održanoj 19.8.2010. godine, utvrdilo je Odgovor na zastupnička pitanja koja je postavio gosp. Denis Bećirović, zastupnik u Zastupničkom domu Parlamentarne skupštine Bosne i Hercegovine.

U pravitku dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-2321/10
Sarajevo, 19.8.2010. godine

Denis Bećirović, zastupnik u Zastupničkom domu Parlamentarne skupštine Bosne i Hercegovine, na 79. sjednici Zastupničkog doma, održanoj 16.06.2010. godine, postavio je pitanja sledeće sadržine:

1. Koliki je trenutni inozemni dug Bosne i Hercegovine?

2. Koliko je Bosna i Hercegovina bila zadužena:

- a) do 1995. godine?
- b) od 1995.- do 2006. godine?
- c) od 2006.- 2010. godine?

Na postavljeno pitanje, Vijeće ministara Bosne i Hercegovine je na 130.
sjednici održanoj 19. 08. 2010. godine, utvrdilo sljedeći

ODGOVOR

1. Koliki je trenutni inozemni dug Bosne i Hercegovine?

Prema podacima sa kojima raspolaže Ministarstvo financija i trezora, vanjski dug BiH na dan 31.03.2010. godine je iznosio 5.653.919.400 KM¹.

2. Koliko je Bosna i Hercegovina bila zadužena:

a) do 1995. godine?

Bosni i Hercegovini je u drugoj polovini decembra 1995 godine odobren kredit od Međunarodnog monetarog fonda (IMF) u iznosu od 30,3 miliona SDR, odnosno u iznosu od 63,6 miliona KM.

b) od 1995.- do 2006. godine?

Međunarodne obaveze Bosne i Hercegovine su uglavnom utvrđene i reprogramirane, a sastoje se od „starog duga“, (dug nastao do 02.04.1992. godine) i „novog duga“, (dug ugovoren poslije 14.12.1995. godine). Dug nastao između ova dva datuma ne smatra se vanjskim dugom Bosne i Hercegovine.

Naime, Bosna i Hercegovina je ispunjavajući jedan od osnovnih uslova za pristup međunarodnim finansijskim institucijama (Svjetskoj Banci i drugim), preuzela i naslijeđene međunarodne obaveze nastale do 02.04.1992. godine. Ove obaveze su nakon pregovora sa ino-povjericima reprogramirane, odnosno rekonstruisane otpisivanjem dijela duga i utvrđivanjem novih uslova otplate za preostali dio duga.

U tom kontekstu reguliran je „stari dug“, prema:

- Svjetskoj Banci (IBRD) 1996. godine,
- Londonskom Klubu kreditora 1997. godine,
- Pariškom Klubu kreditora 1998 i 1999. godine,
- Evropskoj Investicijskoj Banci 1998. godine
- Eurofimi 1999. godine,
- Razvojnoj Banci Vijeća Evrope 1999. godine,
- Mađarskim željeznicama 2000. godine (direktni dug Republike Srpske),
- Austrijskim željeznicama 2004. godine (direktni dug Republike Srpske).

¹ Podaci nisu konačni. Naime, sukladno metodologiji izvještavanja, konačnim podacima se smatraju podaci utvrđeni nakon 180 dana, od dana izvještavanja. (Ne očekuju se značajnija odstupanja u odnosu na prezentirane podatke ni po isteku ovog roka).

**Stanje vanjske
zaduženosti BiH**

u BAM/KM

Datum	Stari dug	Novi dug	Ukupno
31.12.1995.	0	63.669.542	63.669.542
31.12.1996.	1.044.995.644	425.816.722	1.470.812.366
31.12.1997.	1.250.087.512	598.044.590	1.848.132.102
31.12.1998.	1.304.620.607	935.126.127	2.239.746.734
31.12.1999.	2.424.855.816	1.320.058.428	3.744.914.244
31.12.2000.	2.498.206.744	1.557.466.890	4.055.673.634
31.12.2001.	2.585.165.696	1.835.420.440	4.420.586.136
31.12.2002.	2.340.872.084	1.948.965.460	4.289.837.544
31.12.2003.	2.119.521.748	1.894.369.442	4.013.891.190
31.12.2004.	2.002.023.095	2.029.735.815	4.031.758.910
31.12.2005.	2.055.001.611	2.282.927.036	4.337.928.647
31.12.2006.	1.870.078.141	2.200.990.069	4.071.068.210

U periodu 1995-2001. godina primjetan je rast vanjske zaduženosti, što je rezultat reguliranja „starog duga“ (Pariški klub, Londonski klub, EUROFIMA, IBRD, EIB, Razvojna banka Vijeća Europe) i novog zaduživanja kojeg uglavnom čine krediti Svjetske banke (pod IDA uslovima), kao i krediti IMF-a. U periodu 2002-2006. godine, a što je vidljivo iz prezentirane tabele, vanjska zaduženost BiH, uz izvjesne oscilacije, zadržala se na nivou od cca 4 milijarde KM.

2. Koliko je Bosna i Hercegovina bila zadužena:

c) od 2006.- 2010. godine?

**Stanje vanjske
zaduženosti BiH**

u BAM/KM

Datum	Stari dug	Novi dug	Ukupno
31.12.2006.	1.870.078.141	2.200.990.069	4.071.068.210
31.12.2007.	1.746.372.117	2.214.975.134	3.961.347.251
31.12.2008.	1.747.194.056	2.493.198.076	4.240.392.132
31.12.2009. ²	2.038.566.270	3.160.575.981	5.199.142.251
31.3.2010.	2.092.269.838	3.561.649.562	5.653.919.400

² Podaci o stanju vanjske zaduženosti sa 31.12.2009. godine preuzeti iz Informacije o stanju javne zaduženosti BiH koju je usvojilo Vijeće ministara BiH na 121. sjednici od 20.05.2010. godine.

U periodu od 2006-2008. godine vanjska zaduženost BiH se i dalje zadržava na nivou od cca 4 milijarde KM, odnosno ne bilježi se značajnije odstupanje od ranijeg nivoa vanjske zaduženosti BiH.

Značajniji rast vanjskog zaduživanja primjetan je u 2009. godini. Ovaj porast vanjske zaduženosti vezan je za angažiranje prve tranše novog Stand by aranžmana IMF-a u iznosu od 384 mil. KM i aktiviranje opcionog dijela duga prema Londonskom klubu povjeritelja u iznosu od 436 mil. KM.

Vanjski dug iskazuje primjetan rast i u prvom kvartalu 2010.godine. U odnosu na 31.12.2009.godine zaduženost je povećana za 8,75% ili 454.777.149 KM (angažiranje II i III tranše novog Stand by aranžmana IMF-a u iznosu od 270.609.823 KM i rast tečaja valuta.)